

مجموعه سنون

از

جمعیت علمیه عثمانیه

ایکین پنه

نومرو ۱۸

نجدی الآخر

استانبول

جمعیت علمیه عثمانیه مطبعه سنده طبع اولنشد

۱۲۸۰

صرپلوردن مرکب اولوق اوزره بریسوک مجلس تشکیل
اولمسی وقتله حکم اولنان "تمهینک عفو اولنوب اولنماسی پاشانک
ید اختیارنده اولمسی .

رابعا هر برقریه یه معتبران اهلینک معاونیه تکالیفک
بروجه حقانیت تقسیم و توزیعی ضمننده برر صرپلو مدیر
تعیین اولمسی خصوصاً برندن عبارتدر .

بوصورتله مأمورین و سلطنت سنیه ایله صرپلورک مملکتی مشترکا اداره
ایتماری شرط اولمش ایسه ده پاشای مشارالیه فرصت دوشد کجه
امتیازات مذکوره بی برر برر سلب ایله صرپستانی ۱۲۱۹

سنه سندن اول اولدیغی حاله ارجاع ایتک ایلنده و صرپ
ملتی دخی سرپستی و استقلاله برکسدرمه یول بولوق ایچون
امتیازاتی توسیع ایلک ارزو سننده بولندیغندن ۱۲۳۳ سنه سنه

قدر مملکت کشمکشدن خالی اولماشدر .
(بقیه سی صکره) (احدر فعت)

باب عالی ترجمه و طه سی خلفا سندن

(بریتانیا طه لری تاریخ و جغرافیاسی) (مابعد)

بکچن دفعه بر تفصیل بیان اولندیغی وجهله ایکنجی شارل جنرال
مونقک همته پارتوتوک دعوتی اوزرینه انکتره یه کله رک مسندنشین
قرالی اولمش ایسه ده پدرینک دوچار اولدیغی حال عبرت ایشمالدن
متنبه اوله رق اهلینک عدم خوشنودیسنی داعی حالادن مباحث
و شرائط اساسیه حکومت کمالیه رعایت ایلک لازم کلوورکن

بورالربنی اصلاً ملاحظه ایتدیرك بر طاقم فاسد الاخلاق قرنا سنك
 ارای سقیمه سنه تبعیتله پارلمنتویه معارض ككندیكندن و مملكتی
 پدری كبی صورت مطلقه ده اداره ایتك استدیكندن بین الاهالی
 علائم ناخشنودی ظهور ایتكده باشلادیغی صرده مخصصات
 سنویدسی مصارف سفیهانه سنه ككفایت ایتدیكی جهته
 اچقه تداركی ضمنده بعض تداییر ظلمه یه دخی تشبث ایتش و پدرینك
 اعدامی نتیج ارلان اختلالده مدخلی اولانلردن حق و ناحق
 پك چوق ككسانك قتلله دخی اكتفا ایتیبوب قر و مولك
 و مشاهیر رؤسای اختلالدن دیگر بعض متوفار كك جسدلربنی
 مزاردن اخراج ایله صلب و تشهیر ایتك كبی حرکات شنیعه یه
 ابتدار ایلمسی مشارایله حقنده سربسیت طرفدارانك خصوصتی
 موجب اولدیغی مثالو مجرد اچقه طمعاً بشبوز الی بیک لیرا جهاز
 كتوره جك اولان و قنولك مذهبده بولمنسی جهته انكلیزك
 منفوری بولنان پورتكیز قرانك كریه سنی تزوج ایله برابر انكلترده
 قنولك مذهبك یكیدن تأسیسی ایچون فرانسه قرالی اون دردنجی
 لوئی ایله سنوی بر مقدار اچقه المی شرطیله خفیاً عقد معاهده
 ایلمسی و اولوقت انكلتره دولتی ممالكندن معدود اولوب الیوم فرانسه
 داخلنده بولنان (دینكر ك) ایالتی مومی الیه اون دردنجی لوئی یه
 بش میلیون فرانقه فروخت ایتسی دخی علی العموم اهاالینك كمال
 نفرت و انفعالی مستلزم اولمشدر . بونك اوزرینه بعض محالرده
 اختلال اماره لری ظهور ایتكده باشلیوب قرال مشارایله مجرد
 شبهه اوزرینه بر چوق ادمار قتل و عدام ایلمش ایسه ده بوبابده

و ستردیکی شدت کندی علیهمده موجب تزیاد خصومت
 اولدیغنی کوردیکندن شو مسلکک عاقبتی وخیم اولدیغنی درک ایلله
 پارلمنتونک رأینه مخالفیت ایتمه چکنه و شرائط اساسیه حکومه
 رعایت ایده چکنه دائر بعض مواعید اعلان ایلمسنی متعاقب فجأة
 بلاولاد فوت اولغله یرینه ۱۶۸۵ سنه سی برادری ایکنجی ژاق
 تخت قرالی یه قعود ایلشدر .
 مشارالیه ایکنجی ژاق قتولک مذهبنده اولدیغندن حین جلوسنده
 پروتستانلق علیهمده بولمیه جنی حقنده تکلیف اولنش و برمدنچ
 انکلیزک میل و محبتنی جلب ایدمچک صورتده اجرای حکومت
 ایلمش ايسهده . وؤخرأ یمیننده ثبات ایتمه درک عموماً انکلیزک
 قتولک مذهبنه ارجاع و ادخالنی تصور ایلله بویابده بعض تدابیر
 تشبث ایتدیکی صروده کندی و کلاوقرناسنه دخی بقای منصب
 و مأموریتلری اشبو تکلیفک قبولنه متوقف اولدیغنی اچقدن
 سویلکه با شلامش ایدی . برکون قرناسندن (کیرک) نام ذاته
 اشبو تبدیل مذهب ماده سنی تکلیف ایتدکده مومی الیه طنجهده
 بولندیغنی ائنده اگر تبدیل مذهب ایده چک اولور ايسه مسلمان اولق
 اوزره فاس پادشاهیله ینلرنده مقاوله سبقت ایلمش ایدوکنی بیان ایلله
 جواب رد اعطا ایتمش اولدیغنی مشهوردر . قرالک اشبو مذهب
 خصوصنده اولان تشبثات میرمانه سی خلقک خصوصتی دعوت
 ایلله برقاچ دفعه اختلال ظهور ایتمش ايسهده قوه جبرییه ایلله ممکن
 مرتبه تسکین اولندرق مشاهیر و سالی اهل اختلالدن دوق دو موغوث
 وقوت دار ژیل اخذ و قتل اولمشدر . بونک اوزرینه اهلینک
 بعض و خصوصتی برقادها کسب اشتداد ایتمکه قرالک

خلیج اسپانیه تثبیت اولندرق دامادی اورانژ پرنسی اوچنبی
کیلیوم خفایا انکلتزه یه دعوت اولمغله موچی الیه زوجده سیله برابر
انکلتزه یه بالورود قرال علیهنده بولنانلرک معاوندیه قاین پدرینی خلع
ایدرك پارلمنتونك انتخاب و قراری وجهله زوجده سیله مشترکا
اجرای حکومت ایتمك اوزره بخته قعود ایلمشدر . زوجده سی
زیاده سیله کندوسنه مطیعدا اولوب هیچ بر شیئه قارشیدیفندن
اوچنبی کیلیوم بالاستقلال اجرای حکومت ایتمش و بو صورتله
انکلتزه قرالغی اورانژ جانداننه انتقال ایلمشدر .

مشار الیه بر منوال محرر پارلمنتونك رأی و انتخابیه قرال
نصب و تعیین اولندیغندن من بعد قرال بولنان ذات پارلمنتونك
موافقتی اولدقجه مرعی الاجرا بر قانونی فسخ و ابطال و امور
مذهبییه و خصوصیات سائره یه دائر محاکم و مجالس تشکیل
ایده مامسی و پارلمنتو طرفندن تصدیق اولمغسزین اهالییه و یرکو
و تکالیف سائره تحمیل اولنه مامسی و زمان صلحه عساکر
بریه استخدام قلند مامسی و اهالیینک هر درلومادهیه دائر
عرضحال و تقریر تقدیمه حق اولوب بوتدن طولانی هیچ برکسه
مسئول و متهم طویله مامسی و مبعوثان ملت مجلسی اعضاسنك
انتخابنده اهالی کمال درجه سر بست اولمسی و پاپا الیه مخبره سی
ارلان رقتونك مذهبنده زوجده الان ذاتك انکلتزه ده حکمدار اوله مامسی
ورها سائر بعض شرائط جدیده نك قونستیتوسیونه علاوه سیله
قرال و پارلمنتو طرفندن امضا اولمشدر .

مشار الیه اوچنبی کیلیومك مسندقرالی یه کلمسینی انتاج ایدن
مارالذکر ۱۶۸۹ سنه سی اختلالندن مقدم انکلتزه دولتی ثروت

وقوتجه اليوم پور تکیز و فلک دولتی کبی ارچنجی درجده بر دولت
ایدی. مؤخرأ انکلتره علوم و صنایعک ترقی ایتسی واصحاب اهلیت
واققدارک سرکارده بوانمسی مناسبیله رفته رفته ایلرولیدرک الان
جمله نک معلومی اولدیغی اوزره برنجی دولت دیتکه شایان برمرتبه
علیایه واصل اولمشدر.

اوچنجی کیلومک زوجه سی مریم ۱۶۹۵ سنه سی اوتوزاوج
یاشنده اولدیغی حالدده وفات ایتش وقرال مشارالیه یدی سنه
دخی منفردأ اجرای حکومت ایتدکدن صکره کندوسی دخی فوت
اولش اولمغله مشارالیها مریمک همشیره سی بهی قرال مخلوع
ایکجی ژاقلک کوچک قزی آن تخت حکومتده اقعداد اولمشدر.
مشارالیها آن جلوسندن ایکی ای صکره پارلمنتونک آرزوسنه
مبنی فرانسه یه اعلان حرب ایلده بعض محاربه لرده غلبه ونهایت
امرده انکلتره حقننده خیرلو صورتده عقد مصالحه ایلدیکندن
اهالینک میل و محبتی جلب ایدرک مملکت کمال امن واسایش اوزره
اولدیغی حالدده اجرای حکومت ایلشدر. سپته بوغازی مشارالیها
زماننده انکلتره دولتی ید تصرفنه کچمش و انکلتره ایلده اسقوجیا
پارلمنتورینک برلشمسی دخی مومی الهازماننده وقوع بولمشدر.
قرالیمچه مشارالیها اولادی اولدیغی جهته اواخر حکومتنده
برادری اوچنجی ژافی ولی عهد تعیین ایتکه سعی ایتدیسده ممکن
اوله میوب ۱۷۱۴ سنه سی حین وفاتنده یرینه هانوره خانداندن
برنجی جورج قعود ایتش و بوضورتله انکلتره تخت حکومتی الی یومنا
هذا پایدار اولان هانوره خاندانه انتقال ایلشدر.
مشارالیه برنجی جورجک پدری هانوره حکمداری (ارنست ارغوست)

و والدہ سی انکلترہ قرالی اسبق برنجی ژاقلک حفیدہ سی صوفیہ اولوب پروتستان مذهبندہ اولہرق حقوق وراثتجہ انکلترہ تختہ البقین بولندیخی جہتلہ مشارالہا آنک وفاتندہ اہالیئک دعوتیلہ انکلترہ یہ کلہرک جلوس ایلدی . عصرندہ اوروپاجہ وقوعبولان محاربہ قارشویوب دائماً مسلاک بیطرفی بی التزام ایلدیکندن وباش وکیلی (رو بروال پول) غایت عاقل وکارگذار بذات اولدیغندن بونک معاوضتیلہ داخلأ وخارجأ حسن اداره یہ موفق اولدیرق ایام حکومتی کمال اسایش وامنتلہ کذران ایتیش وتخت حکمداریدہ اون اوچ سنہ پایدار اولدقدن صکرہ ۱۷۲۷ سنہ سی وفات ایدرک برینہ اوغلی ایکنجی جورج جلوس ایلشدر .

مشارالیہ ایکنجی جورج باباسنک باش وکیلی رو بروال پولی ارن ایکی سنہ منصبندہ ایقا ایتدیکندن وکیل مومی الہک ثمرہ اہلیتی اولہرق مدت مذکورہ ظرفندہ صلح واسایش خلایذیر اولمندیخی حالہ وکیلی مومی الہمک عزلی متعاقب محاربہ قبولی اچیلہرق بقیہ مدت سلطنتی اوستریا دولتیلہ محاربہ یہ وارہ صرہ اسقوجیادہ ظهور ایدن اختلا لاتی تسکینہ منحصر اولمش ایسندہ بونک زمانندہ انکلترہ دولتی هندستانجہ خیلی فتوحانہ موفق اولمشدر . مشارالیہ اوتوز اوچ سنہ جالس سریر سلطنت اولدقدن صکرہ ۱۷۶۰ سنہ سی بجأة وفات ایدرک برینہ حفیدی اوچنجی جورج جلوس ایلشدر . انکلترہ نمونہ خانہ سی مشارالیہ ایکنجی جورجک اثریدر .

انکلیز ایلہ امر یقانونلینندہ ظهور ایدن محاربہ مشہورہ مشارالیہ اوچنجی جورج عصرندہ وقوعبولوب اول وقتہ قدر انکلترہ دولتی

ممالکندن معدود اولان حکومات مجتمعه امریقانک تصدیق استقلالنی
انتاج ایلشدر. او چنجی جورج فرانسه و اوستریا و اسپانیا
دولتلیله دخی پک چوق محاربه و بونک اکثریسنده غلبه ایدرک
انکتره لو حقنه خیرلو مصالحه نامدل عقدینه موفق اولمشدر.
اواخر سلطنتنده عقلانه سخت کتوردیکندن اوغلی دردنبی جورج
قائم مقام تعیین اولوب امور دولت اون سنه بوضوئله اداره
اولندقدن صکره اوچنجی جورج فوت اولمغله اوغلی مشارالیه
بالاصاله قرال اولمشدر.

مشارالیه دردنبی جورج پک چوق وقت فرانسه ایله محاربه
ایدرک دول سائرمه بی دخی فرانسه علیه تحریک ایله برنجی
نپولیونک اضمحلالنی انتاج ایدن اتفاق مشهوری وجوده کتورمش
ونپولیون بونک زماننده طوتیلوب سنت الن جزیره سنه نفی
اولمشدر. دردنبی جورج انکتره نک تراید ثروت و سعادت حالی
موجب اولان اصول سرستی حقنه پک چوق قوانین و نظامات
وضع و تأسیس سنه و برنجی نپولیون کبی برجهانگیره غلبه شرفه
موفق اولدن صکره ۱۸۲۰ سنه سنده وفات ایدرک برینه برادری
دردنبی کیلیوم جلوس ایلشدر.

دردنبی کیلیوم حین صبا و تندبر و خدمات بحریه ده استخدام
اولندرق صره سبله قطع مراتب ایتدکدن صکره بالا مستحق
دریا قودا ناخی منصبی دخی حائز اولمش ایدی. اولوجهله
مشارالیهک معلومات بحریه سی درجه کمالده اولدقدن جلوسندن
صکره انکتره قوه بحریه سینک برقاتدها توسیع و تنظیمی حقنده
پک چوق خدمتی سبقت ایتش و پارلمنتونک تمامی اصلاح و تنسیق

دخی بونک زمانده حصول پذیرا اولمشدر. مشارالیه اون ایکی سنه مسندنشین حکمداری اولدقدن صکره ۱۸۳۲ سنه سنده بلاولد وفات ایدرک یرینه حالا انکله قرالچیه سی اولان یکنی و یقنوریا جلوس ایلشدن.

انکله دولته ابتدای تشکیلدن شمعی به قدر جالس سر بر حکمرانی اولان ذواتک اسماریله تاریخ جلوساری ومدت سلطنتلری یکنظرده معلوم اولق اوزره بوجه آتی برقطعه جدول تنظیم وعندالایجاب بزم کتب توار یخه تطبیقه سهولت اولق ایچون سنین میلادیه نك موافق اولدیغی تاریخ هجرت دخی مقابلنده ازانده وترقیم قلمشدر.

انکله دولته ابتدای تشکیلدن شمعی به قدر مسندنشین حکمرانی اولان ذواتک اسماریله تاریخ جلوساری و مدت سلطنتلری مبین جدولدر.

مدت سلطنت	تاریخ جلوس	سنه
هجرت	میلاد	هجرت
۳۶	۱۸۴	۸۰۰
۲۲	۲۲۲	۸۳۶
۰۲	۲۴۴	۸۵۸
۰۶	۲۴۶	۸۶۰
۰۵	۲۵۲	۸۶۶
۲۹	۲۵۸	۸۷۱
۲۵	۲۸۸	۹۰۰

مدت سلطنت تاریخ جلوس

سنه هجرت میلاد

ایلسستن	۹۲۵	۳۱۳	۱۶
برنجی ادموند	۹۴۱	۳۳۰	۰۵
ادرد	۹۴۶	۳۳۵	۰۹
ادوی	۹۵۵	۳۴۴	۰۲
ادغار	۹۵۷	۳۴۶	۱۸
ایکنجی ادوار (لومارتیر)	۹۷۵	۳۶۵	۰۳
ایکنجی ایلرد	۹۷۸	۳۶۸	۳۵
ساقسون ودانیمارقه خاندانی (۲)			
سوئه نون (دانیمارقه لو)	۱۰۱۳	۴۰۴	۰۱
ایکنجی ایلرد (ساقسون)	۱۰۱۴	۴۰۵	۰۲
جلوس ثانی			
ایکنجی ادموند (کذا)	۱۰۱۶	۴۰۷	۰۱
قانون (دانیمارقه لو)	۱۰۱۷	۴۰۸	۱۹
هارولد (کذا)	۱۰۳۶	۴۲۸	۰۳
ایکنجی قانون (کذا)	۱۰۳۹	۴۳۱	۰۲
اوچنجی ادوار (ساقسون)	۱۰۴۱	۴۳۳	۲۵
ایکنجی هارولد	۱۰۶۶	۴۵۹	۰۰
نورمان خاندانی (۳)			
برنجی کیلیوم	۱۰۶۶	۴۵۹	۲۱
ایکنجی کیلیوم	۱۰۸۷	۴۸۰	۱۳
برنجی هانری	۱۱۰۰	۴۹۴	۳۵

مدت سلطنت	تاریخ جلوس	سنة	هجرت	میلاد
۱۹	۵۳۰	۱۱۳۵	اتیان	
۳۵	۵۴۹	۱۱۵۴	یلانثارت خاندانی (۴)	ایکنجی هاری
۱۰	۵۸۶	۱۱۸۹	ریشار (ارسلان یورکلی)	
۱۷	۵۹۶	۱۱۹۹	ژان سان تر	
۵۶	۶۱۳	۱۲۱۶	اوچنجی هاری	
۳۵	۶۷۱	۱۲۷۲	رنجی ادوار	
۲۰	۷۰۷	۱۳۰۷	ایکنجی ادوار	
۵۰	۷۲۵	۱۳۲۷	اوچنجی ادوار	
۲۲	۷۷۹	۱۳۷۷	ایکنجی ریشار	
۱۴	۸۰۲	۱۳۹۹	درد بی هاری	
۹	۸۱۶	۱۴۱۳	بشنجی هاری	
۳۹	۸۲۱	۱۴۲۲	التنجی هاری	
۲۲	۸۶۶	۱۴۶۱	درد بی ادوار	
۰۰	۸۸۸	۱۴۸۳	بشنجی ادوار	
۲	۸۸۸	۱۴۸۳	اوچنجی ریشار	
۲۴	۸۹۰	۱۴۸۵	تودور خاندانی (۵)	یدنجی هاری
۴۴	۹۱۵	۱۵۰۹	سکزی بی هاری	
۰۰	۹۶۱	۱۵۵۳	ژان غری	
۵	۹۶۱	۱۵۵۳	ماری	

مدت سلطنت	تاریخ جلوس	سنہ	هجرت	میلاد	الیرابت
۴۵	۹۶۶	۱۵۵۸			ستوار خاندانی (۶)
۲۳	۱۰۱۲	۱۶۰۳			برنجی زاق
۲۳	۱۰۳۶	۱۶۲۶			برنجی شارل
					جمہوریت زمانی
۳					مجلس ادارہ سی
۶	۱۰۶۳	۱۶۵۲			برنجی قرومول (رئیس جمہور)
.	۱۰۶۹	۱۶۵۸			ایکجی قرومول (کذا)
					ستوار خاندانک حکومتہ عودتی
۲۵	۱۰۷۱	۱۶۶۰			ایکجی شارل
۴	۱۰۹۷	۱۶۸۵			ایکجی زاق
					اورائر خاندانی (۷)
۱۳	۱۱۰۱	۱۶۸۹			اوچنی کیلوم و زوجہ سی مریم
۱۲	۱۱۱۴	۱۷۰۲			آن (ستوار خاندانندن)
					هانور خاندانی (۸)
۱۳	۱۱۲۷	۱۷۱۴			برنجی جورج
۳۳	۱۱۴۰	۱۷۲۷			ایکجی جورج
۶۰	۱۱۷۴	۱۷۶۰			ارچنی جورج
۱۰	۱۲۳۶	۱۸۲۰			درد بی جورج
۷	۱۲۴۶	۱۸۳۰			درد بی کیلوم
.	۱۲۵۳	۱۸۳۷			ویقوریا (حالا قرالیمچدر)
					(قدری)